

歷代名將傳

蔣中正題



行印社應供物文央中

陳元素著

歷代名將傳

原名廣百將傳

中央文物供應社
印行

歷代名將傳（原名廣百將傳）

定價：每冊新臺幣柒拾元

著作者：陳 素

出版者：中央文物供應社

地址：臺北市仁愛路一段二號

電話：三二一二九三六

郵政劃撥第二一八一號帳戶

發行者：中央文物供應社

印刷者：裕台公司中華印刷廠

地址：臺北縣新店鎮文化路二巷三號

版權所有



中華民國四十八年三月二十五日出版
中華民國六十八年七月一日再版

歷代名將傳

原名廣百將傳

序

有明大學士黃道周石齋先生，取陳元素孝平增補百將傳原本，爲之詳註總斷，易稱廣百將傳。石齋當崇禎季世，以武英殿大學士，徵天下義師勤王，其留心歷代名將功烈，宜也。

廣百將傳上溯自太公孫武，下及於有明諸賢，計全編稱列傳者，凡百有八十三人。石齋於列傳偏旁，輒就精要處評點，又於列傳之后，附以斷曰，略如史贊焉。余讀其書，以爲石齋之評，約而多當；而其斷語，則尤能以寥寥數語，揭出是非功罪，而成爲天下之公言焉。

夫名將功烈，斑斑在人耳目，至於行事之際，於義之安否，則未易言也。是書得石齋註斷，讀者庶乎其可以博聞而不亂，多識而不疑矣。

我國民革命軍將校，輒宜以此百有八十三賢，以爲其「崇德、脩惡、

辨惑」取則之資，苟能晨夕開卷，深造自得，見善如不及，見不善如探湯，則昔賢功烈，亦何莫不可以範我馳驅耶？

諸葛武侯云「不愛尺璧，而愛寸陰者，時難遭而易失也，故良將之趨時也，衣不解帶，履不遺躡。」今我國軍將校，遭此中興復國千載一時之機運，而尤當此魔軍反攻前夕，其一寸之陰，尤甚貴於一尺之璧。所願趨時發憤，力爭俄頃，師法古人，進學成德。蓋此日涵濡之效，即明日功烈之基也。

茲於刊行之頃，特予易題為歷代名將傳，而仍於副題，存其廣百將傳原名，並略書其所切望於我國軍將校者，於編首云。

蔣中正

時中華民國四十八年三月一日

增補百將傳序

頃余既校武經梓之，客謂尚併梓百將傳，私怪臧丈人而下至勝國，其間禍亂時有，英雄代生，將材尚不勝俚指數，寧僅止此，會須繙廿一史更搜之，而客不能待，仍以舊本請標目，而於我

明，君取李溫陵江編，稍進退之，間有不名爲將，而其才將，其事將，走亦將之，總題之曰名將傳，言不止於百也，譬之以醫，孫吳諸篇，岐伯黃帝之問對也，將傳，扁鵲太倉公之行事也，此神聖也，治病未嘗立方，醫之有方也，庸工殺人之兵刃也，今夫火牛背水之事，可再試哉，故名將傳不可不讀，郵不可不著讀，彼馬服君之子，可鑒夫。

天啓癸亥五月五日吳郡陳元素

廣百將傳序

名將一書，爲武而設也，既爲武設，則名將中之智勇所在，與夫正之爲正，奇之爲奇，必明明點醒，細細拈出，使披閱者一覽而知前人之用意，得借以發後人之用意，方不愧著書之大義，倘纂修無識，祇輯繁文，反遺精要，縱三絕韋編，於武何益，此舊本所以不足重輕也，當今重武，英傑羣興，莫不思登壇而麾日月，借箸而談風雲，雖曰，妙用在於一心，何至學古，然事必有因，機須待觸，若不窺前人已然之妙用，何以發吾心將然之機宜，爲師中之勝算，以此知名將一書，用武者不可朝夕離也，朝夕不可離，而按之茫無竅脉，又且錯落多端，烏乎可也，因取而細較之，芟其繁文，出其精要，再入妙旁批，有疑夾註，又總斷結其智勇之所在，雖仍是此百數英雄，祇覺一經洗發，而面目精神，皆躍躍紙上，使覽之者會心點首，而悟兵家正之爲正如此，奇之爲奇如此，奇正之變動無窮又如此

，卽至用衆如何，用寡如何，巧久如何，拙速如何，莫不了了於胸中，而取諸左右，使出而總戎，自百戰百勝，而伯仲孫吳，不復多讓，誠用武之先資也，書成謹弁於首，時

崇禎癸未仲春月古閩黃道周石齋甫題

歷代名將傳 (原名廣百將傳)

目次

周

呂尚 孫武 范蠡 吳起 田穰苴 孫臏 白起 王翦 樂毅 李牧
趙奢 廉頗 田單

西漢

張良 韓信 周亞夫 李廣 衛青 霍去病 趙充國 陳湯 馮奉世

東漢

鄧禹 寇恂 馮異 岑彭 賈復 吳漢 耿弇 耿恭 王霸 臧宮
祭遵 馬援 班超 虞詡 皇甫規 張奐 段熲 皇甫嵩 朱雋

三國漢

諸葛亮 關羽 張飛

三國魏

九九

目

次

一

張遼 張郃 徐晃 李典 鄧艾 司馬懿

三國吳

周瑜 呂蒙 陸遜 陸抗

晉

羊祜 杜預 王濬 馬隆 周訪 陶侃 謝玄

北朝燕

慕容恪

北朝秦

王猛

六朝宋

檀道濟 王鎮惡

六朝梁

韋叡 王僧辨

六朝陳

吳明徹

一一一

一二一

一三五

一三七

一三九

一四三

一四七

北朝魏.....一四九

崔浩 于謹

北朝齊.....一五七

斛律光

北朝周.....一五九

宇文憲 韋孝寬

隋.....一六五

楊素 長孫晟 韓擒 賀若弼 史萬歲

唐.....一七五

李孝恭 尉遲恭 李靖 李勣 蘇定方 薛仁貴 裴行儉 唐休璟 張仁愿 王峻

郭元振 李嗣業 李光弼 郭子儀 李抱真 李晟 李愬 馬燧 渾瑊 王忠嗣

五代梁.....二一九

王彥章

五代晉.....二二一

周德威

五代唐

二二五

郭崇韜

宋

二二七

曹彬 曹翰 王全斌 潘美 曹瑋 李繼隆 尹繼倫 狄青 种世衡 郭達

王韶 种師道 宗澤 岳飛 韓世忠 張俊 劉錡 吳玠 吳玠 李顯忠

楊存中 王德王彥 劉子羽 魏勝 李寶 趙方 孟宗政 孟珙 杜杲

余玠 趙范 趙葵 曹友聞

元

三二一

史天澤 伯顏 張弘範

明

三三一

劉基 徐達 常遇春 李文忠 沐英 鄧愈 俞通海 傅友德 姚廣孝 劉江

王驥 于謙 郭登 韓雍 馬文昇 王信 張輔 羅通 項忠 陶魯

王越 王瓊 馬昊 王守仁 楊銳 仇鉞 戚繼光 沈希儀 李善長 鐵鉉

程濟 朱能 張玉 楊一清 俞大猷 湯和 胡大海 郭英 康茂才 山雲

余子俊 周 金 胡宗憲 劉 顯 劉 綏

目
次

五

歷代名將傳（原名廣百將傳）

周

姜太公呂尚

呂尚者，東海上人，本姓姜，從其先祖封於呂，故名呂尚，字子牙，尚抱經天緯地之才，嘗著有六韜，備言陰陽，以爲兵書之祖，時值商紂暴虐，避居東海之濱，坐石磯垂釣，絲不設餌，釣不曲鉤，每言不釣魚鱉，獨釣王侯，人多笑之，困窮老矣，聞西伯賢，善養老，遂往歸焉，入岐州，復釣於磻溪之上，欲干西伯，西伯自姜里歸，憂而將出獵，命卜有所獲否，卜者曰，所獲非龍非鯢，非虎非羆，乃王霸之輔，西伯喜而獵，果遇太公于渭之陽，與語，大悅曰，吾先君太公嘗曰當有聖人與周，子其是耶，太公望子久矣，故又號曰太公望，載與俱歸，時年八十有二，立爲軍師，請教，太公對曰，爲國有三策，敬天，勤民，親賢而已，西伯善之，因與尚陰謀修德，以傾商政，其事多權謀與秘計，詩稱文王伐密伐崇，皆太公之謀，是時天下三分有二，西伯事殷不改，至武王嗣位，紂殺王子比干，囚箕子，其惡愈甚，武王方修文王之業，尊太公爲師尚父，鷹揚東伐，太公因左仗黃鉞，右秉白旄，以誓衆曰，蒼兕蒼兕，總爾衆庶，與爾舟楫，後至者

斬，遂觀兵於盟津，諸侯不期而會者八百國，皆曰，紂可伐也，武王卜之，龜兆不吉，風雨暴至，羣公盡懼，武王欲還，太公力強之，遂前而克商，既克商，武王遂封師尚父于齊，故後之言兵者，皆宗太公之六韜爲本謀。

斷曰 太公尙父，霸王之輔，漁獵以歸，修德用武，學擅陰陽，韜分龍虎，黃鉞白旄，揮之如塵，伐取商殘，開篤周祜，後世談兵，宗之爲祖。

孫武

孫武者，齊人也，善用兵，著孫子十三篇，詳言兵家之秘，吳王闔廬，欲霸吳強楚，因往見之，吳王難之曰，子之十三篇，吾已盡觀矣，然言之易，行之難，子可小試勒兵乎，孫子曰，可，吳王又難之曰，勇悍易，柔弱難，子可試以婦人乎，孫子曰，可，吳王異之，乃出宮中美婦百八十人，命孫子教試之，孫子受命，遂分爲二隊，以王之寵姬二人，各爲隊長，皆令持戟，因教之，曰：汝知汝心與左右手與背乎，婦人曰，知之，孫子曰，凡鼓前則視心，左則視左手，右則視右手，後則視背，不可違，婦人曰，諾，孫子約束既布，乃設鈇鉞，卽三令五申，於是鼓之右，婦人以爲戲而大笑，孫子曰，約束不明，申令不熟，將之過也，復三令五申，而鼓之左，婦人復大笑，孫子曰，約束不明，申令不熟，將之過也，今申令既已明，而鼓之不如法者，吏士之罪也，法當斬，因命斬左右二隊長，吳王從臺上觀見，且斬愛姬，大駭趨使使下令曰，寡人已知將

軍能用兵矣，寡人非此二姬，食不甘味，願勿斬也，孫子曰，臣已受命爲將矣，將在軍，君命有所不受，遂斬二姬以徇，用其次爲隊長，復鼓之，婦人左右前後跪起，皆中規矩繩墨，無敢出聲，孫子乃使使報王曰，兵已整齊，請王下觀，惟王所欲用，雖赴水火可也，吳王曰，將軍就舍，寡人不願下觀，孫子曰，王徒好其言，不用其實，然吳王心知孫武能用兵，後卒以爲將，西破強楚，北威秦晉，孫子之力也。

斷曰 孫子兵法，十有三篇，婦人可試，法令爲先，左右視手，背後心前，申令既熟，笑則斬焉，斬而易隊，赫然肅然，大威秦楚，千古名傳。

范蠡

范蠡，越人也，事越王句踐，與謀國，時吳王夫差，日夜勒兵，且以報越，越欲先吳未發而伐之，范蠡諫曰，不可，臣聞兵者，凶器也，戰者，逆德也，陰謀逆德，好用凶器，試身於所末，上帝禁之，行者不利，越王曰，吾已決之矣，師遂出，吳王聞之，悉發精兵擊越，敗之夫椒，越王乃以餘兵五千人，保栖于會稽，吳王追而圍之，越王謂蠡曰，以不聽子，故至于此，爲之奈何，蠡對曰，持滿者與天，定傾者與人，節事者與地，卑辭厚禮以遺之，不許而身與之市，句踐曰，諾，乃令大夫文種，行成于吳，請身爲臣，妻爲妾，吳王將許之，子胥曰，天以越賜吳，勿許也，種還以報，句踐將殺其妻子，燔其寶器，觸戰以死，種止句踐曰，夫吳太宰伯嚭，可誘以利，